

www.BibleForChildren.org

Mataiyo 8



Mayadai labui mulidiwai, teha Galili unai magai hesau
hesana Kana unai tawasola kaikaigogona se ginauli.
Yesu sinana meta iya menai, yo hinage Yesu maiyana
hekahekatao se kaibwadaidi se laoma tawasola
kaikaigogona ne unai.



Huyana waina ye gehe ede Yesu sinana ye hededelau iya unai ye wane, "Kadi waina wa ye gehe." Na sinana wa ye hededelau heyayai tauhaidi udiyedi ye wane, "Saha ye hedededi ne meta bena kwa ginauliwatanidi."



Na Yesu ye hededelau heyayai tauhaidi wa udiyedi ye wane, "Paku ne waila unai kwa hemwayaudi", ede se inihemwayaudi. Kabo ye wane, "Kabo gagilina kwa yaihai na kwa bahelaei kaikaigogo tauloinaena unai."



Siya kabo se bahelaei na waila ye hemala waina wa ye numatonogi. Yodi kabayaina meta nige kabina ye kata, na yona heyayai tauhaidi mo se bom kabina se kata.



Kabo kaikaigogo tauloinaena wa tautawasola loheyana
ye yoganeyama na ye hededelau unai ye wane, "Yoda
kabikabi kabina ku
katakalili, meta waina
namwanamwana ta
mosebagunai taumana
udiyedi."



“Na huyana se numa se lau na nige gonowana ginauli
hesau kamnana se lapulobai kabo waina maisana
gagilina ta moseidi. Na
idohagi to waina
namwanamwakalilina
ta ku hemulitayama?”




Teina ta meta laulau gigigigibwalina bagubagunakalilina
teha Galili unai magai hesana Kana
unai Yesu ye ginauli. Na teina
laulau ta unai iya kana kao
saesaena mamohoina ye
hemasalaha, unai yona
hekahekatao iya se
sunumaei.



Na kabo Yesu ye lau Petelo yona numa unai na Petelo
bwasiyana sinebada ye kita meta tauna se gwagwama
yo ye kasiyebwa na ye kenokeno.



Ye kabilau sinebada wa nimana unai meta kasiyebwa wa ye gehe na sinebada wa ye namwanamwa, ede ye kabinonoha na Yesu ye haitalai.



Mahana wa ye dui kabo taukasikasiyebwa gwaudi yo hinage tamowai yaluwa yabayababadi siya se luwuidi wa se woyaidima Yesu unai. Magai tamowaidiyao bodalakilaki se lagegogoi numa kawamatana wa unai.



Tamowai kadi kasiyebwa udoi'udoi ye
henamwanamwadi. Yo yaluwa yabayababadi gwaudi ye
hededehepesadi na ye hededehekaiyawasidi tabu se
hedehedede, matawuwuna ede iya kabina se katako.



Na tamowai hasi se laoma taubunibuni hesau se baheiyama Yesu unai.



Boda ye lakikalili to nige gonowana
se sae Yesu unai. Ede gatowa se
bolilapai na taubunibuni wa
ma diyadiyalina se
hedalolodobiyei
Yesu unai.



Yesu tamowai wa yodi sunuma ye kita, unai ye
hededelau taubunibuni wa
unai ye wane, "Natugu,
yom yababa ya
nuwatugabaeidi."
"Ku tolo, yom dam
ne ku bahei na
ku lau yom numa."




Na kabo Yesu maiyana hekahekatao se dobi wagaena se gelu na Galili Gabwana wa unai se kawasi. Yesu waga wa unai ye kenoko na makesega kabo wowoli ye lage na waga wa bagodu se ini'inipuluhi.



Na Yesu ye hededelau udiyedi ye wane, "Idohagi to kwa matausi? Yomi sunuma taki se gagili!" Ede ye tolo na ye hededebayao yaumai yo bagodu wa udiyedi, meta yaumai wa ye kaiyawasi na gabwa wa ye daumwali. Unai yona hekahekatao wa meta se nokokalili na se wane, "Teina meta tamowai sahasahana? Ede yaumai yo

bagodu, iyamo iya se kawakabiyei."



Matawuwuna Yaubada tanoubu ye
gadosisikaliliyei, ede natukesekesegana
ye mosegabaei. Unai kaiteya iya ye
sunumaei, meta taba nige
hekamkamna ye lobai, na mauli
nige kana siga kabo ye hai.



Hebelu 9:27 Doha ede tamowai ye boita ma kesega mo na mulinawai kabo ye masalaha hekasa mayadaina unai,

Epeso 2:8,9 Yona kabinamwa unai ye gilihaigomiu yomi sunuma debanaena, na teina ta nige kwa bom yomi bayaoyena, na teina meta Yaubada yona kainauya. Nige komiu yomi paisowa debadiyena, unai nige gonowana tamowai hesau ye hededetausae'uyoi.



Yowane 3:16,17 Matawuwuna Yaubada tanoubu ye gadosisikaliliyei, ede natukesekesegana ye mosegabaei.

Unai kaiteya iya ye sunumaei, meta taba nige hekamkamna ye lobai, na mauli nige kana siga kabo ye hai. Yaubada Natuna ye hetamaliyama nige bena tanoubu ta tamowaidi ye hekilainodi, na bena ye gilihaidi.

1 Yowane 5:11-13 Hededeheemasalaha wa hedehehedena ede teina: Mauli nige kana siga meta Yaubada ye haiyamako, na mauli ne iya ede Natuna unai. Ena kaiteya Yaubada Natuna ye hai nuwanaena, meta mauli ta ye haiyako. Na kaiteya nige Yaubada Natuna ye hai meta mauli ta sola nige ye hai. Nuwanuwatu ta ya kulidiwa komiu kaiteyadi Yaubada Natuna hesanaena taukawamamohoi kalimiuwai, na udiyedi kabo kabina kwa kata meta komiu mauli nige kana siga wa kwa haiyako.



Mataiyo 8-9; Maleko 1-2, 4; Luke 4, 8; Yowane 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Saliba NT (sbe) © Wycliffe Bible Translators, Inc.
All rights reserved.

<https://live.bible.is/bible/SBEWBT/MAT/1>

©2026 Bible for Children, Inc.

www.M1914.org

www.bibleforchildren.org

